



## TIMÓR LÉSTE

### REPÚBLIKA DEMOKRÁTIKU TIMÓR LÉSTE

Xefe Estadu: José Maria Vasconcelos (Taur Matan Ruak) (troka José Manuel Ramos-Horta iha Maiu)  
Xefe Governu: Kay Rala Xanana Gusmão

**Impunidade persiste nafatin ba krime kontra húmeridade no violasaun direitu húmeranu grave ne'ebé komitidu ona durante okupasaun Indonézia (1975-1999). Forsa seguransa hetan akuzasaun ba halo violasaun direitu húmeranu, inklui mal-tratamentu no uza forsa esesivu. Feto no labarik-feto sira sofre ona nivel violénsia doméstika boot tebes.**

#### Antisidente

Elisaun Prezidensiál no Parlamentária, halo ona iha Marsu-Abríl no Jullu, ne'ebé hala'o sein insidente. Iha Dezembru 2012, Konsellu Seguransa UNO hakotu mandatu Misaun Integradu UNO iha Timor-Leste.

#### Polísia no forsa seguransa

Forsa seguransa sira infrenta alegasaun ba mal-tratamentu no uzu forsa esesivu, dalaruma akontese too oho ema. Mekanizmu akontabilidade ba polísia no militar ne'e fraku tebes. Prezensa polísia UNO remata ona iha Dezembru.

#### Feto-nia direitu

Nivel violénsia doméstiku kontra fetu kontinua boot nafatin. Maske kazu balun prozekuta ona iha tribunál sira, barak mak rezulta ona iha sentensa suspensaun. Iha preokupasaun barak kona-bá menus protesaun ne'ebé adekua ba vítima no sasin-nain sira.

Timor-Leste hanesan nasaun ida ne'ebé nia rasio mortalidade maternal ne'ebé ás-liu hotu iha rejiaun Azia-Pasífiku.

#### Impunidade

Progresu uitoan de'it mak halo hodi responde ba krime kontra húmeridade no violénsia ba direitu húmeranu ne'ebé komitidu husi forsa seguransa Indonézia no auziliariu sira seluk husi 1975-1999. Mandatu husi Ekpa Investigasaun Krime Grave remata ona iha Dezembru, ne'ebé faila atu kompleta pelomenus investigasaun hamutuk 60 ba iha kazu estraordináriu violasaun direitu húmeranu sériu ne'ebé komitidu ona iha 1999.

■ Iha Dezembru, Tribunál Distrital Díli fó ona kastigu ba membru milísia Besi Merah Putih nain tolu ba krime kontra húmeridade ne'ebé komitidu ona iha kontestu referendu independensia 1999. Miguel Soares no Salvador de Jesus hetan ona kastigu ba tinan sia no tina 16 tanba oho-ema, no Faustino Filipe de Carvalho hetan kastigu tinan neen tanba muda populasaun ho forsa no halo detensaun ilegal ba fetu no labarik sira.

Autóridade timor-oan sira faila atu implementa rekomendasaun husi Komisaun Simu-malu, Lia-lós no Rekonsiliaun no Komisaun Lia-lós no Amizade entre Indonézia – Timor-Leste. Rekomendasaun sira ne'e inklui fó reparasaun ba vítima no sira-nia família sira, no foti medida efetivu hodi identifika vítima sira husi ema-halakon ho forsa no labarik sira ne'ebé separa ona husi sira-nia família sira.

- Iha Fevereiru, Parlamentu hahú debate esbosu lei rua hodi estabelese programa reparasaun nasionál no “Instituto Memória Públiku” ida. Maibé, debate ne’e adia tiha ona ba datoluk desde Juñu 2010, no la iha data fiksi ba resumpsaun.

#### **Vizita/relatóriu Amnestia International**

- Delegadu Amnestia International vizita ona Timor-Leste iha Outubru no Novembru.
- Timor-Leste: Relembra pasadu – rekomendasaun hodi efetivamente estabelese “Programa Reparasaun Nasionál” no “Instituto Memória Públiku” (ASA 57/001/2012)